



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1715. usque ad annum 1718

**Fleury, Claude**

**August. Vind. [u.a.], 1782**

**VD18 13322648**

§. 56. Singularis quorundam Franciæ Præsulum ardor in tuenda Pontificis  
Constitutione.

---

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. spargentes, Iquod Uxellius tam Galli-  
 A. C. 1718. cum quam latinum scriptum ad Tre-  
 mollium miserit, ita tamen, ut hic  
 Pontifici duntaxat Gallicum traderet,  
 & duntaxat, si fors Pontifici gallicum  
 non probaretur, aut latinum suæ Con-  
 stitutioni inserere vellet, hoc quidem  
 Pontifici consignaret, sed ita, ac si non  
 Parisiis, sed Romæ fuisset concinnat-  
 tum. Quantæ molis est, detectam  
 fraudem novis mendaciis honestare.  
 Verum mentita est iniquitas sibi; post-  
 quam enim ipse Regens coram Uxellio,  
 Rohanio & Cancellario hoc exemplar  
 examinari iussit, deprehensum est, in  
 multis, levioribus tamen, illud fuisse  
 depravatum, præcipue vero in duo-  
 bus gravioris momenti articulis, ubi  
 usum, augmentum, & fidei præmium non  
 hominis meritum, & præmium fructum  
 meriti, non ipsum meritum esse, intro-  
 sum fuit, & insuper ex Instructione  
 Acceptantium duo articuli fuerint  
 rescissi.

## S. LVI.

*Singularis quorundam Franciæ Prae-  
 sulum ardor in tuenda Con-  
 stitutione.*

Abregé  
 Chronol. de

**T**ot fraudes ac dolosæ Opponentium  
 machinationes potissimis Franciæ  
 Præ-



Præsulibus Religionis, veritatis, æqui- Sæc. XVIII.  
tatisque studio incensis summopere sto- A. C. 1718.  
machum movebant, atque inter eos

Apta - Juliensis Episcopus die secunda *v. Hist. Eccl.*  
Januarii in sua Ecclesia Cathedrali *t. 3. p. 526.*

mandatum promulgabat, vi cujus sese *Dorsann.*  
separabat a communione omnium, qui *Journal sur*  
Constitutionem vel non acceptarunt, *v. Hist. de la*  
vel acceptationem revocarunt: Postea *Const. t. I.*

contra Parlamenti Aquensis ausus de- *pag. 387.*  
clamans, a Rege juniore ad Regem *Recueil des*  
ætate majorem provocabat. Excusum *Pieces*

erat hoc mandatum Leodiensibus lite-  
ris: Præterea Jacobus Arelatensis Ar-  
chiepiscopus, dum ante Pascha Sa-  
cros Ordines conferret, initiandis de-  
clarabat, quod Appellantes Episcopi  
essent schismatici, sacræ Sedi rebelles  
&c. ac propterea promovendos obstrin-  
xit, ut Constitutioni subscriberent:  
idipsum etiam injunxerat ante festum  
SS. Trinitatis, utque de initiandorum  
fide securior esset, præcepit, ut una-  
omnes Alexandri VII. formulam suo  
chirographo firmarent, & Pontificiis  
Constitutionibus: *Vineam Domini, &*  
*Unigenitus* plenam præstarent subjectio-  
nem, dextera his Bullis subscribentes,  
& sinistra Evangelii librum in juramenti  
signum tangentes: Insuper Josephus  
Langletus Sueffionensis Episcopus hoc  
anno die prima Februarii proluxa ad-  
modum



Sæc. XVIII modum epistola Gratianopolitanum Episcopi  
 A. C. 1718 scopum sibi licet nec de facie nec per  
 literas cognitum, impense hortabatur, ut Bullæ acceptationi a se factæ firmiter insisteret; verebatur enim, ne hic Episcopus ab animi firmitate hucusque monstrata deficeret; eoquod in frequenti Parochorum, & Religiosorum suæ Diœcesis confesso Regiam impositi silentii declarationem prælegisset, subjungens, ipsum poenitere, quod ejusmodi silentium dudum non imposuisset, nunc vero se curaturum, ne quid contra Constitutionem in publicis sermonibus & scholis diceretur, se tamen vehementer dubitare, an exactam mandati observantiam sibi Confessariis polliceri posset. Postrema hæc verba addidit converso sermone ad Verbis Parochum olim Cardinalis Cambis Discipulum, nunc vero Jesuitis addictissimum. Hic vero mox Episcopo reposuit, se, etsi Papam esse infallibilem non crederet, Constitutionem tamen velut *Regulam fidei* acceptare, eoquod ab Univerſa Ecclesia esset recepta: Episcopus autem probare nitebatur, illam non esse fidei Regulam, eoquod non proponeret judicium de articulo fidei fixo, stabili ac permanente, subjunxit tamen, se Bullam recepisse tanquam judicium omni veneratione dignum, quia



Sæc. XVIII.  
A. C. 1718.

quin eam discutiendi spatium habuisset. Denique suæ Diæceseos Confessariis inibuit, ne circa Constitutionem suos pœnitentes interrogarent, si vero nonnulli ultra contra eam dubia proponerent, illos ad se tanquam *Doctrinæ Judicem* mitterent. Comperta igitur hac Episcopi declaratione Suesionensis Antistes Gratianopolitanum ad tuendam Constitutionis acceptationem excitandi ansam arripuit. Sub idem ferme tempus Appellantes suum erga S. Sedem obsequium, Apostolicumque Zelum exerrendi occasionem præbuere Henrico Massiliensi Episcopo. Hi enim ut desperatæ suæ causæ a contuetis fraudibus ac mendaciis patrocinium emendicarent, in vulgus pro more suo sparsere, quod Henricus Massiliensis Episcopus a pristina sua erga notam Constitutionem sententia, necnon a præstita probataque diu obedientia discedere cæpisset. Hoc comperto Episcopus libera voce, magno, fortisque animo ac publico etiam documento hanc calumniam, labemque suo Episcopali officio, famæque aspersam tam strenue a se amolitus est, ut etiam inde prædicandæ altius veritatis occasionem arripens, ex ipsis adversantium artibus confirmandæ veritatis præsidia sibi compararet:

Nullam



Sæc. XVIII. Nullam vero Apostolici sui Zeli occasionem prætermittendam ratus Rhe-  
 mensis Archiepiscopus die vigesima  
 A. C. 1718. scripsit, in qua querebatur, quod Con-  
 stitutionis auctoritas defensa, Episco-  
 porum iudicium confirmatum, & Re-  
 giæ Ludovici XIV. literæ per novi Regis  
 declarationem adeo non fuerint execu-  
 tioni datæ, ut potius ejusdem Con-  
 stitutionis acceptatio cujuslibet arbi-  
 trario relinqui, & silentium errori æque  
 ac veritati imponi videretur: „hæc vero  
 „lex, inquiebat Archiepiscopus, prius-  
 „quam schisma & Ecclesiasticorum se-  
 „cundi Ordinis rebellio in apertas eru-  
 „pit flammæ, utilis fors fuisset, tum  
 „enim Constitutio nondum a Novato-  
 „ribus impugnata tranquille accepta-  
 „tionis perpetuæ jus sibi polliceri po-  
 „tuisset; invalescente autem jamjam  
 „contradictentium atque ad Concilium  
 „appellantium libertate, & Ecclesiasti-  
 „corum plurimis aperta fronte contra  
 „suos Pastores seditionis vexillum eri-  
 „gentibus, ac universum Orbem ve-  
 „nenatis schisma hæresisque redolen-  
 „tibus scriptis inundantibus, Consti-  
 „tutionis auctoritatem non tueri, nec  
 „illius executionem urgere, quid aliud  
 „est, quam factioni & factiosis patroci-  
 „nari ?